


# **Vischnaunca da Medel/Lucmagn**



**Lescha da parcar sin territori communal  
per la vischnaunca da Medel/Lucmagn**

<b>Cuntegn</b>		<b>2</b>
Art. 1	Noziuns	2
Art. 2	Concept da parcar	2
Art. 3	Definiziun dils parcadis	3
Art. 4	Taxas da parcar	3
Art. 5	Diever dallas taxas	3
Art. 6	Maldiever	3
Art. 7	Disposiziun penala	4
Art. 8	Entrada en vigur	4

Sebasond sin art. 60 dalla lescha da baghegiar dalla vischnaunca da Medel/Lucmagn relai la vischnaunca suandonta lescha:

### **Art. 1 Noziuns**

<sup>1</sup>Questa lescha regla il parcar vehichels a motor sin territori public enteifer ils habitadis (zona da baghegiar) e lur contuorn cunfinont dalla vischnaunca da Medel/Lucmagn.

<sup>2</sup>Sco parcadis publics valan ils loghens da deposit per vehichels a motor signalisai resp. marcai sin vias e piazzas publicas, sin immobilias communalas e sin areals cun dretg d'utilisaziun communal.

<sup>3</sup>Sco parcadis affittai sin terren public valan ils parcadis mess a disposiziun encunter pagament sco recumpensa per ils parcadis privats munconts.

<sup>4</sup>Sclaus dil dretg da parcar ein maschinas agricolas e maschinas da piazzals da baghegiar sco tut ils vehichels cun ina lunghezia sur 5 m. Vehichels senza numera d'immatriculaziun astgan buca vegnir parcai sin terren public.

### **Art. 2 Concept da parcar**

<sup>1</sup>Questa lescha oblighescha scadin proprietari d'in vehichel a motor, il qual posseda negina pusseivladad da parcar sin agen terren, da plazzar siu vehichel sin in parcadi public. Persuenter pretenda la vischnaunca ina taxa e surdat ina permissiun da parcar.

<sup>2</sup>Lubientschas annualas ein valeivlas mintgamai entochen la fin digl onn calendar. Ina restituziun per permissiuns acquistadas ei exclaus.

<sup>3</sup>Il parcar en las streglias e gassas sin terren da vischnaunca ei sulettamein lubius aschilunsch ch'igl utilisader dispona d'ina lubientscha meinsila ni annuala ed impedescha buca la circulaziun dil traffic.

<sup>4</sup>Il parcar cuort ei pusseivels en las zonas blauas. En las zonas marcadadas alv sa vegnir parcau cun ina lubientscha meinsila ni annuala ni cun pagament en in'applicaziun sur il telefonin. 2 uras ein gratuitas. L'applicaziun sto vegnir activada era per il temps gratuit.

<sup>5</sup>En cass da circumstanzias specialas sa la suprastonza decider davart sligiazions adequatas respectivamein abolir ad interim las restricziuns da parcar.

### **Art. 3 Definiziun dils parcadis**

<sup>1</sup>Il parcadis publics vegnan parti en en suandontas zonas:

- a) Parcadis publics ordinaris
- b) Parcadis cun in temps limitau da parcar (zona blaua)
- c) Parcadis destinai per objects e menaschis
- d) Parcadis en streglias e gassas

<sup>2</sup>Tenor basegns san ulteriuras zonas vegnir definadas.

<sup>3</sup>La signalisaziun dallas zonas tenor art. 3 a), b) e c) succeda en rama d'ina publicaziun uffiziala e cul consentiment dalla Polizia da traffic dil cantun Grischun.

La vischnaunca da Medel/Lucmagn surpren negina responsabladad per donns caschunai vid vehichels parcai sin parcadis tenor art. 3 ni per enguladetschs da tals vehichels.

### **Art. 4 Taxas da parcar**

<sup>1</sup>La taxas per lubientschas da parcar muntan:

a) Taxa per ura	fr.	0.50
b) Taxa per meins	fr.	30.00
c) Taxa per onn	fr.	300.00

<sup>2</sup>Cun ina lubientscha meinsila ni annuala sa vegnir lubiu a habitonts ed ad autras personas da parcar sin parcadis publics respectiv sin terren da vischnaunca en las streglias e gassas. Ei exista negin dretg da survegnir ina lubientscha.

### **Art. 5 Diever dallas taxas**

<sup>1</sup>Las entradas dallas taxas da parcar vegnan impundidas per il manteniment dils parcadis, per indemnisar las expensas da controllas e per extender la puschida sin novs loghens da deposit.

<sup>2</sup>La permissiun da parcar autorisescha negin dretg sin in parcadi fix. Ella autorisescha sulettamein da parcar il vehichel en rama dallas prescripziuns sils parcadis definai e signalisai dalla vischnaunca.

### **Art. 6 Maldiever**

Vehichels parcai cuntrari a questa lescha san vegnir allontanai dalla polizia sin donn e cuost dil proprietari.

## **Art . 7 Disposiziun penala**

<sup>1</sup>Cuntenziuns a questa lescha vegnan punidas tenor la procedura da multa disciplinara dalla lescha federala da traffic (OBG/OBV). La suprastanza communal fixescha ils responsabels communal ni tierzas personas, las qualas ein autorisadas d'emetter castitgs.

<sup>2</sup>Tier la procedura da multa disciplinara valan tenor art 4, alinea 3 dalla legislaziun introductiva tier la lescha davart la procedura penala (EGzStPO) las determinaziuns correspundentas da quella lescha conform al senn.

## **Art. 8 Entrada en vigur**

Questa lescha ei vegnida approvada ils 13 da december 2022 dalla radunonza da vischnaunca. Ella entra en vigur igl 1. da zercladur 2023.

Il president communal:

Il canzlist communal:

Claudio Simonet

Valentin Pally